

## UGOVORNE STRANE

1. JU Osnovna škola „Grbavica II“, Behdžeta Mutevelića bb, 71000 Sarajevo (ID broj: 4200167950004), zastupan od strane direktora Bakal Sabahudin – Dino prof.(u daljnjem tekstu: NARUČITELJ), i
2. SARIX d.o.o. Sarajevo, Adema Buće br 133, 71 000 SARAJEVO (ID broj: 4200401140003 ), zastupan od strane ovlaštenog lica Alomerovic Ifet (u daljnjem tekstu: ISPORUČITELJ),

zaključili su u Sarajevu dana 29.12.2017. godine

## UGOVOR o kupovini PVC prozora

### I PREDMET UGOVORA

#### Član 1.

Predmet ovog Ugovora je zamjena PVC prozora na sali za tjelesni odgoj u JU Osnovna škola „Grbavica II“ Sarajevo, JRJN 44221200-7, specificirane u ponudi br.17-8197 od 29.12.2017 god i predračunu Isporučitelja broj: 17/2017-6128 od dana 29.12.2017. godine, koji čini sastavni dio ovog Ugovora.

### II CIJENA I NAČIN PLAĆANJA

#### Član 2.

Ukupna vrijednost robe iz člana 1. ovog Ugovora, prema specificiranim količinama i ugovorenim jediničnim cijenama, iz člana 1. Ugovora iznosi:

- Cijena bez PDV-a: 3.769,74 KM;
- Porez na dodanu vrijednost ( PDV 17%) = 640,86 KM;
- **UKUPNA VRIJEDNOST / CIJENA sa PDV-om = 4.410,60 KM**  
( slovima: četiri hiljade četrinstotinedeset i 60/100 KM)

Plaćanje će se izvršiti na osnovu predračuna dobavljača u 100% iznosu, na žiro račun broj: 194 101 911 67 00 102, otvoren kod ProCredit Bank Sarajevo.

### III ROK ISPORUKE

#### Član 3.

Rok isporuke ugovorene i specificirane količine robe iz predračuna je 60 dana računajući od datuma obostranog potpisivanja ovog Ugovora. Pod isporukom se podrazumijevaju sve potrebne radnje koje je Dobavljač dužan obaviti, prema Ugovoru i prirodi posla, da bi Kupac mogao primiti isporuku. Mjesto izvršenja obaveza Dobavljača (isporuke materijala) je JU OŠ „Grbavica II“ Sarajevo, Behdžeta Mutevelića bb.

### IV PRAVA I OBAVEZE ISPORUČITELJA

#### Član 4.

Isporučitelj je dužan:

- isporučiti robe
- izvršiti sve radnje neophodne da roba bude spremna za prijem kao što su: pakiranje, otprema, utovar, prevoz i osiguranje, obavljanje svih neophodnih administrativnih i komercijalnih formalnosti, te prevoz i istovar do krajnje destinacije, instalaciju i montažu,
- odgovara za uredno izvršenje Ugovora prema važećim propisima, štiti prava i interese Naručitelja, te ga obavještava o toku realizacije Ugovora,
- snosi sve rizike do konačnog prijema robe na krajnje odredište, u roku koji je propisan Ugovorom.

#### Član 5.

Isporučitelj garantira da je roba nova, nekorisćena, i da u sebi sadrži sva najnovija poboljšanja u smislu dizajna, materijala ili izrade, osim ako takav izbor nije bio zahtjevan u specifikacijama od strane Naručitelja. Isporučitelj garantira da roba odgovara za svrhu za koju treba da se koristi, da će funkcionirati kako je to navedeno u proizvođačkoj tehničkoj specifikaciji. Isporučitelj je obavezan osigurati garanciju proizvođača na isporučenu robu. Garanti rok na robu je naznačen za svaku stavku pojedinačno i teče od dana isporuke iste. Isporučitelj ne odgovara za štetu nastalu na proizvodima do koje je došlo uslijed



dana isporuke iste. Isporučitelj ne odgovara za štetu nastalu na proizvodima do koje je došlo uslijed neadekvatnog skladištenja, loše manipulacije od strane Naručiitelja ili uopće postupanja Naručiitelja suprotno propisanim standardima za čuvanje i manipuliranje isporučene robe.

## V PRAVA I OBAVEZE NARUČITELJA

### Član 6.

Naručiitelj se obavezuje da:

- izvrši obaveze iz člana 3. ovog Ugovora,
- izvrši preuzimanje robe i da bude uz Isporučitelja pri provjeri iste. U ime Naručiitelja, kvantitativni i kvalitativni prijem predmetnog materijala, sačinjavanje i ovjeravanje zapisnika o kvalitativnom i kvantitativnom prijemu robe izvršiti će osoba ovlaštena za prijem iste. U slučaju da se utvrdi da je roba oštećena ili neispravna, odnosno nesaobrazna sa narudžbom, o tome će se sastaviti poseban izvještaj i isti uputiti Isporučitelju da se u roku od 15 dana izjasni u pogledu utvrđenih nedostataka na robi.

## VI VIŠA SILA

### Član 7.

Ako slučaj više sile koja potpuno ili djelimično spriječi trajno ili privremeno izvršenje obaveza po iznosu ovog Ugovora, Ugovorna strana koja se poziva na taj slučaj obavezna je da u roku od 7 dana od dana nastanka više sile o tome obavijesti drugu Ugovornu stranu na način koji je u datoj situaciji moguć (telegram, telefax i sl.).

Pod višom silom u smislu prethodnog stava podrazumijeva se događaj ili okolnost koji nisu postojali u vrijeme potpisivanja ovog Ugovora, koji su nastali mimo volje i moći Ugovorne strane, čije se nastupanje nije moglo predvidjeti i čije se posljedice nisu mogle izbjeći ili otkloniti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

## VII ZAVRŠNE ODREDBE

### Član 8.

Sporove po ovome Ugovoru, Ugovorne strane će riješiti sporazumno. Ako u postupku rješavanja spora ne dođe do rješenja, nadležan je Općinski sud u Sarajevu.

### Član 9.

Sve izmjene ovog Ugovora mogu se vršiti isključivo i samo uz pismenu saglasnost Ugovornih strana.


### Član 10.

Ovaj Ugovor stupa na snagu danom potpisivanja od strane ovlaštenih osoba Ugovornih strana.

### Član 11.

Ovaj Ugovor sastavljen je u 2 (dva) istovjetna primjerka od kojih svaka ugovorna strana zadržava po 1 (jedan) primjerak.

SARIX doo Sarajevo



Alomerovic Ifet dipl.ing.maš.

Broj: 12-315/17

